

Prome Ministro lo investiga si tin negoshi ta ser haci cu permiso

ORANJESTAD (AAN)— Den conferencia di prensa semanal di Consejo di Minister ayera, Prome Minister Señor Nelson Oduber a menciona varios topico relaciona cu acusacionnan, segun el a tende di miembronan di Oposicion, di cu lo tin hende cu ta haci negoshi cu permiso. Prome Minister a remarca riba e importancia di señala ken ta e persona cu ta haci esaki y sigur e mes ta bay haci tramitenan na Landsrecherche si nan ta asegura ken ta e responsable di esey.

“E momento a yega di bisa kende na DINA of unda cu ta, ta haci negoshi cu permiso y mi ta segura bo cu mi ta stroba e trabou di dje” ta palabranan textual di e Minister.

Promer Minister a duna ordo di haci den dos siman un trabao masha grandi na Aruba cu Minister di Husticia. “Sin tuma na cuenta distincion di hende of di partido politico nos lo actua, pesey nos a gana eleccion cu 12 asiento bisando pueblo cu nos ta pone ordo y esaki kiermen pa tur” e Mandatario a enfatiza.

Tambe el a menciona cu si e miembro di e partido di oposicion sa y por substancie y duna evidencia denuncie cerca Procurador General.

Na otro banda, Minister Presidente tabata tin riba agenda e topico di Turismo, cu mirando e situacion di mundo awor aki, especificamente e situacion den aviacion na Aruba unda no tin un propio aerolinea grandi, ademá di e problemanan cu esnan chikito. Tambe mi-

rando loke a pasa na Venezuela y e situacion cu Hulanda a hinca nos aden hunto cu Merca cu e visa pa colombianonan, cu di cuatro mil cu tabata bin pa luna a baha na doscien actualmente. Minister a enfatiza cu tin otro islanan cu no tin visa y nan no ta mara na Hulanda manera nos ta mara den Reino Hulandes, pa introduccion di visa cual tabata tin un efecto dramático. Esaki a resulta cu AVIANCA a para e vuelonan pa Aruba y e venezolanonan cu tabata nos bishitantenan number dos desde December aña pasa nan tin un problema hopi grandi na nan pais.

Segun Promer Minister a remarca, nan ta trahando y e mes personalmente, na Brazil y Merca y na diferente otro caminda riba **airlift**, pero esaki no ta bin asina facil debi na e situacion mundial. Companianan grandi manera KLM ta buscando alianza sea British Airways of Air France y tambe na Merca e companianan grandi a haya placa di Gobierno pa nan por keda

bula bao di pretexto di implementacion pa nan seguridad. “Nos tin un problema y nos ta tratando di sali for di dje. E luna aki e ocupacion ta hopi bon, pero nos a aumenta te na cuarenta milyon florin local nos a hinca den turismo total” e Minister a manifesta.

Prome Minister a splica cu Gobierno ta haci un esfuerzo conhunto pa logra e metanan desea manera esfuerzonan cu a wordo haci pa trece na luna di september un grupo di turista for di Brazil y tambe un grupo di periodistanan for di rond mundo na october kendenan ta bay tin un cita cerca Prome Minister pa papia tocante e situacion na Aruba.

Nos ta trahando riba un estructura, un garantia y un continuidad pa mehora e calidad turistico di Aruba” Promer Minister a subraya.

E mandatario a menciona tambe tocante e ley nobo cu a pasa den Parlamento dia 4 di Juli relaciona cu pasahero di taxi cual a pasa pa 5 y cu a bira un ley social.

Esaki a wordo traha riba un

estudio di Gobierno y di Bureau di Statistics cual a refleha cu 95% di tur hende cu

ta bin Aruba ta menos cu cinco hende den un grupo, Prome Minister a conclui.

Minister di Salud ta admiti cu e bacteria den Hospital ta un problema serio!

ORANJESTAD (AAN) -- Minister di Salud Publico drs. Candelario (Booshi) Wever a aclarea den conferencia di prensa (door di un pregunta), cu no tin ningun decision ainda si hospital lo worde expande y renova, of lo traha un edificio nobo.

E mandatario a reitera (un biaha mas) cu si den e estudio cu e companianan concerni ta bay haci, ta bin resulta cu traha un edificio nobo lo sali 20 porciento of menos mas caro cu drechamento y ampliacion, lo traha un nobo.

Esaki pasobra den renovacion y expansion e edificio lo keda tog esun bieu, y e ta tene cuenta cu e problema serio di bacteria cu tin.

E conoce Arubianonan cu ta prefera di bay opera afo, pagando e costonan di nan me-

sun saco, pa miedo di pega cu e bacteria (MRSA), ya cu posiblemente ta trata aki di personanan cu tin famia ta pasando den e situacion fastioso aki na Hospital.

Pa e mandatario primordial ta e costo cu ta bay tin pa e proyecto, cual no mag di tin influencia riba e prima di AZV, y tur esaki ta poni den e regulacionnan cu e companianan tin cu cumpli cune, pa haya un chens di worde selecta.

E companianan tambe lo mester defini si ta necesario pa hospital worde traha na otro caminda, en caso cu nan conclusion ta pa bin cu un edificio nobo, y cu e ubicacion actual no ta esun mehor.

Den e caso ey nan tin cu bin cu sugerencianan na unda nan ta kere cu ta e mehor lugar.

UNDA E LATCHI DI COMISION DI BERDAD A KEDA !!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5328006 WWW.WEGAWEGA.COM

BEST DEAL


Tel: 5827050

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



22 Pc.

Screwdriver Set

Afl. 19,95